

Nimewo 2

D E K R È E G Z E K I T I F

DEKLARASYON KATASTWÒF NAN KONTE BRONX, DUTCHESS, KINGS, NASSAU, NEW YORK, ORANGE, PUTNAM, QUEENS, RICHMOND, ROCKLAND, SUFFOLK, SULLIVAN, ULMER, WESTCHESTER AK KONTE VWAZEN YO

KONSIDERE KE, nan 1ye septanm 2021 ak apre, Depresyon Pòs Twopikal Ida te kreye kondisyon danjere nan Eeta New York ki poze yon danje iminan pou transpò piblik, sèvis itilite piblik yo, ak sistèm sante ak sekirite piblik nan konte Bronx, Dutchess, Kings, Nassau, New York, Orange, Putnam, Queens, Richmond, Rockland, Suffolk, Sullivan, Ulster, Westchester, ak konte vwazen yo.

KONSIDERE KE, Tanpèt Twopikal Ida te pwodui lapli vyolan ak inondasyon. Kondisyon sa yo te lakoz plis pase 31,300 pàn kouran, pye bwa ki tonbe, inondasyon rapid nan kèk lokal, fèmti wout, entèripsyon vwayaj yo, ak dega nan pwopriyete piblik ak prive toupatou atravè zòn ki te afekte yo, ki kontinye poze yon menas pou sante ak sekirite piblik.

KOUNYE A, KIDONK, MWEN, KATHY HOCHUL, Gouvènè Eta New York, avèk otorite Konstitisyon Eta New York ak Seksyon 28 nan Atik 2-B nan Lwa Egzekitif la (Executive Law) ban mwen, konstate avèk dokiman sa a gen yon katastwòf pandye kote gouvènman lokal ki touche yo pa kapab entèveni kòmsadwa. An konsekans, mwen, avèk dokiman sa a, ap deklare yon Eta Ijans poutèt Katastwòf nan Eta a, ki ap rantre an vigè nan dat 2 septanm 2021, nan limit territoryal konte Bronx, Dutchess, Kings, Nassau, New York, Orange, Putnam, Queens, Richmond, Rockland, Suffolk, Sullivan, Ulster, Westchester, ak konte vwazen yo. Dekrè Egzekitif sa a ap rete an vigè jiska dat 2 oktòb 2021; epi

ANPLIS DE SA, konfòmeman a Seksyon 29 nan Atik 2-B nan Lwa Egzekitif la, Mwen mande emplémentasyon Plans Jesyon Ijans Konplè Eta (State Comprehensive Emergency Management Plan) ak otorize, anvige apati 2 septanm 2021, Divizyon Sekirite Enteryè ak Sèvis Ijans (Division of Homeland Security and Emergency Services, DHSES), Divizyon Militè ak Afè Naval (Division of Military and Naval Affairs), Depatman Konsèvason Anviwòmnant (Department of Environmental Conservation), Depatman Koreksyon ak Sipèvizon Kominotè (Department of Corrections and Community Supervision), Komisyón Sèvis Piblik (Public Service Commission), Depatman Travay (Department of Labor), Biwo Pak, Rekreyasyon ak Prezèvason Istorik (Office of Parks, Recreation and Historic Preservation), Depatman Transpò (Department of Transportation, DOT), Otorite Thruway (Thruway Authority), lòt ajans yo nan Eta jan sa nesesè ak Lakwa Wouj Ameriken (American Red Cross) pou pran aksyon awopriye pou pwoteje Pwopriyete Eta ak pou ede gouvènman lokal ki afekte yo ansanm avèk moun yo pou reponn a epi rekipere de katastwòf, ak pou bay lòt kalite èd jan sa nesesè pou pwoteje sante ak sekirite piblik la.

ANSWIT, deklarasyon sa a satisfè kondisyon 49 nan Kòd Règleman Federal yo (Code of Federal Regulations, C.F.R) 390.23(a)(l)(A), ki ofri sekou nan Pati 390 jiska 399 Règleman Federal pou Sekirite nan Konpayi Transpò (Federal Motor Carrier Safety Regulations, FMCSR). Sekou sa yo nan FMCSR nesesè pou kapab garanti ekip yo kapab debleye wout ki pi enpòtan yo epi akselere mouvman ekip k ap remete sèvis kouran yo nan Eta New York.

ANPLIS DE SA, avèk otorite mwen genyen dapre Seksyon 29-a Atik 2-B Lwa Egzekitif la pou sispann oswa chanje pwovizwaman nenpòt lwa jeneral, lwa lokal, òdonans, dekrè, règ oswa règleman, oswa pati ladan yo, pou nenpòt òganis pandan yon ijans nan Eta a poutèt katastwòf, si respè lwa jeneral, lwa lokal, òdonans, dekrè, règ oswa règleman sa yo ta anpeche, jennen oswa retade mezi ki nesesè pou fè fas a catastwòf la, oswa si sa nesesè pou bay asistans oswa èd pou fè fas a catastwòf sa a, avèk dokiman sa a, mwen sispann oswa chanje pwovizwaman, pou peryòd ant dat Dekrè Egzekitif sa a antre an vigè a jis nan dat 2 oktòb 2021, lwa ki annapre yo:

- Seksyon 97-G nan Lwa sou Finans Eta a (State Finance Law), nan mezi sa nesesè pou achte manje, materyèl, sèvis, ak ekipman oswa founi oswa bay diferan sèvis santralize pou ede gouvènman lokal, moun, ansanm avèk lòt antite ki pa fè pati Eta a ki viktimo yo nan kad efò pou reyaji a ijans poutèt katastwòf la epi refè anba li;
- Seksyon 112 nan Lwa sou Finans Eta a, nan mezi li annakò avèk Atik V, Seksyon I nan Konstitisyon Eta a, epi nan mezi sa nesesè pou ajoute plis travay, chantye ak tan nan kontra Eta a;
- Seksyon 163 nan lwa sou Finans Eta a ak Atik 4-C nan Lwa sou Developman Ekonomik la (Economic Development Law), nan mezi sa nesesè pou otorize acha pwodui, sèvis, teknoloji, ak materyèl ki nesesè yo, san yo pa suiv pwosesis avi ak acha nòmal yo;
- Seksyon 136-a nan Lwa sou Finans Eta a, nan limit ki nesesè pou melanje sèvis konsepsyón ak konstriksyon yo nan yon sèl kontra ak/oswa pou yo jwenn sèvis enspeksyon pou konsepsyón ak konstriksyon yo;
- Seksyon 38(1), (2) ak (3) nan Lwa sou Otowout la (Highway Law) nan mezi nesesè pou otorize atribisyon kontra ijans; epi
- Seksyon 375, 385 ak 401 Lwa sou Veyikil ak Sikilasyon (Vehicle and Traffic Law) an, nan mezi egzansyon nan egzijans anrejistreman veyikil, ekipman ak dimansyon, pou veyikil ki gen anrejistreman valid nan lòt jiridiksyon, nesesè pou ede nan efò preparasyon ak entèvansyon pou ijans lan.

ANPLIS, mwen modife la tanporèman, pou peryòd apati dat Dekrè Egzekitif sa jiska 2 oktòb 2021, lwa ki annapre yo:

- Seksyon 24 nan Lwa Egzekitif la; Seksyon 104 ak 346 nan Lwa sou Otowout la (Highway Law); Seksyon 1602, 1630, 1640, 1650, ak 1660 nan Lwa sou Veyikil ak Sikilasyon an (Vehicle and Traffic Law); Seksyon 14(16) nan Lwa sou Transpò a (Transportation Law); Seksyon 6-602 ak 17-1706 nan Lwa sou Vilaj la (Village Law); Seksyon 20(32) nan Lwa Jeneral sou Vil la (General City Law); Seksyon 91 nan Lwa sou Vil Dezyèm Klas yo (Second Class Cities Law); Seksyon 19-107(ii) nan Kòd Administrasyon Vil New York la (New York City Administrative Code); ak Seksyon 107.1 nan Tit 21 nan Kòd, Règ ak Règleman New York yo (New York Codes, Rules and Regulations), nan mezi sa nesesè pou bay Gouvènè a otorite pou règleman Sikilasyon ak mouvman veyikil sou wout yo, otowout yo, ak ri yo.

F È T anba siyati mwen ak So Prive Eta a nan Vil Albany
nan 2yèm jou mwa septanm nan ane de mil venteyen.

SOU LÒD GOUVÈNÈ A

Sekretè Gouvènè a